

20.

Friedrich, Markgraf von Meissen, gelobt in seinem und seines Vaters Namen und mit ihm Otto der Jungere, Burggraf von Donin, dem Könige Heinrich von Böhmen sein ihrem Schutze anvertrautes Königreich, sobald er es verlangen werde, auszuantworten. Prag, 24. September 1310.

Wir Fridrich von Gothes gnaden, Junge Marcgraue zu Misene vnde in deme Osterlande geloben truweliche an dyseme Briue, vor Vnsen Lyben Vater, vnde vns, daz wir deme Edeln vursten, vnsere Lyben Omen, Kunik Heynriche von Behemen, sin Konikriche, daz her vnsere Vater, vnde vns antwort, sullen wyder gebe, swanne her iz heyschit, ane arge List, daz geloben mit vns, die Edle Lütthe, Otte von Bergowe, Albrecht der Burgraue von Lyznik, Junge der Burgraue von Dony, vnde vnse Ritthere, Otte von Jleburg, Johann von Geyleowe, Albrecht Kurt, Tamme von Zaldecke, Heynrich von Kokeritz, Syfrit von Schonevelt, Groze von Seweschin, vnde Heynrich Kunt, daz Selbe sal Vnse vater globe, vnsere Lyben Omen, swanne her zu yme kumit, vnde sullen mit yme globe, die vursten, vnde die Herren, die mit yme kument, Neme ouch vnse Vater, vnde wir icheynen schaden, In der phlage des Kunikriches, oder in vnser Omen dinst, oder tete wir icheyne kost die sal vns, vnse Ome vfrichte, noch heyze zuoeyger manne dy wir kysen Neme wir aber vromen, vber schaden, vnde vber kost, den schulle wir vnsere Omen wider keren noch heyze, dar selben wir manne, die her vnde wir, dar zu kysen, daz vnse Vater, vnde wir diz stete halden, dar vber gebe wir desen brief, Bisegelt mit vnsere Insegele, vnde mit der Insegele, die mit vns globet haben, Dyser brief ist gegeben zu Prage, nach Gothes geburthe Thufent Jar, druhundert Jar, in deme ztenden Jare, An deme Nesten Dunrestage, vor Sentte Michahelistage.

(Ex orig. arch. c. R. aulici.)

21.

Otto III., Burggraf von Donin, beurkundet, dass er mit Zustimmung seiner Söhne das Vorwerk zu Kotta auf St. Nikolas Altar daselbst dargebracht habe. 25. November 1311.

Wyr Otto Burggraue von Dony der alde, bekennen mit diesem keygenwaertigen briefe vnd thun Kunde allen den, die diesem briefe abn-